

ხელშეკრულება N
სახელმწიფო შესყიდვის შესახებ
(პროექტი)

ქ. ოზურგეთი

„---“ „-----“ 2018 წელი

ერთის მხრივ, **ოზურგეთის მუნიციპალიტეტი** (შემდგომში „შემსყიდველი“), წარმოდგენილი მერის, კონსტანტინე შარაშენიძის სახით და მეორეს მხრივ, ----- (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თვმჯდომარის 2017 წლის 14 ივნისის №12 ბრძანების და „მიმწოდებლის“ სატენდერო წინადადების საფუძველზე, განხორციელებული ელექტრონული ტენდერის (N-----) ფარგლებში ვდებთ წინამდებარე ხელშეკრულებას შემდეგზე:

1. ხელშეკრულების საგანი და CPV კოდი

- 1.1 ხელშეკრულების საგანია 625 კ.მ. მ-300 მარკის მზა ბეტონის შესყიდვა და მოწოდება ოზურგეთის მუნიციპალიტეტისთვის.
- 1.2 CPV კოდი: 44114100 - მზა ბეტონის ნარევი.

2. ხელშეკრულების ღირებულება და ანგარიშსწორების წესი

- 2.1 ხელშეკრულების მთლიანი, ჯამური ღირებულება შეადგენს: ----- (-----) ლარს.
- 2.2 **დაფინანსების წყარო:** ოზურგეთის მუნიციპალიტეტის ადგილობრივი ბიუჯეტი.
- 2.3 ხელშეკრულების ღირებულება მოიცავს საქონლის მოწოდებასთან დაკავშირებულ ყველა ხარჯს, მათ შორის ოზურგეთის მუნიციპალიტეტის ტერიტორიაზე (სხვადასხვა ტერ. ერთეულებში) მომსახურების ღირებულებას, ასევე საქართველოს კანონმდებლობით გათვალისწინებულ გადასახადებს.
- 2.4 ანგარიშსწორება „მიმწოდებელთან“ განხორციელდება ეროვნულ ვალუტაში, საქონლის მოწოდების შემდეგ, ამ ხელშეკრულებით გათვალისწინებული საბანკო რეკვიზიტების შესაბამისად, უნაღდო ანგარიშსწორების ფორმით.
- 2.5 ანგარიშსწორებას „შემსყიდველი“ განახორციელებს ეტაპობრივად, ფაქტობრივად მოწოდებული საქონლის ღირებულების გათვალისწინებით, შესაბამისი მიღება-ჩაბარების აქტის და საგადახადო დოკუმენტაციის საფუძველზე, დოკუმენტაციის წარმოდგენიდან 10 (ათი) სამუშაო დღის განმავლობაში.
- 2.6 შესაძლებელია შემსყიდველმა სრულად არ მოითხოვოს ხელშეკრულებით გათვალისწინებული საქონლის მოცულობა, ამ შემთხვევაში, მიმწოდებელს არ უნდა გააჩნდეს პრეტენზია სახელშეკრულებო ღირებულების სრულ ანაზღაურებაზე.

3. საქონლის მოწოდების პირობები

- 3.1 საქონლის მოწოდება უნდა განხორციელდეს ხელშეკრულების გაფორმებიდან 2018 წლის 31 დეკემბრის ჩათვლით, ეტაპობრივად, შემსყიდველის მოთხოვნიდან არაუმეტეს 5 (ხუთი) კალენდარული დღის განმავლობაში, საქონლის შემსყიდველის მიერ მითითებულ ადგილზე ტრანსპორტირებით.
- 3.2 საქონლის მიწოდება უნდა განხორციელდეს ოზურგეთის მუნიციპალიტეტის ტერიტორიაზე, შემსყიდველის მიერ მითითებულ მისამართზე, მიმწოდებლის საკუთრებაში ან/და სხვა ფორმით სარგებლობაში არსებული ბეტონის ქარხანიდან.
- 3.3 მიმწოდებელმა უნდა უზრუნველყოს შემსყიდველის მიერ მოთხოვნილი რაოდენობის მზა ბეტონის მოწოდება შეუფერხებლად.

4. მიღება-ჩაბარების წესი

- 4.1 მოსაწოდებელი საქონელი მიღებულად ჩაითვლება მხოლოდ შესაბამისი მიღება-ჩაბარების აქტისა და საგადახადო დოკუმენტაციის წარმოდგენის შემდეგ.
- 4.2 ხელშეკრულებით გათვალისწინებული საქონლის მიღებას ახორციელებენ „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლები, რომლებიც საქონლის მოწოდების შედეგების მიხედვით აფორმებენ მიღება-ჩაბარების აქტს.

5 მხარეთა უფლება-მოვალეობები

5.1 „შემსყიდველი“ ვალდებულია:

- 5.1.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 5.1.2 ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მოწოდებული საქონლის ღირებულება;
- 5.1.3 წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ.

5.2 „შემსყიდველი“ უფლებამოსილია:

- 5.2.1 „მიმწოდებლისგან“ მოითხოვოს საქონლის მოწოდება ხელშეკრულებით დადგენილი პირობებით და განსაზღვრულ ვადაში;
- 5.2.2 „მიმწოდებლის“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;
- 5.3 **„მიმწოდებელი“ ვალდებულია:**
 - 5.3.1 ხელშეკრულებით დადგენილ ვადაში, ხელშეკრულებით დადგენილი პირობებით მოაწოდოს საქონელი;
 - 5.3.2 ხელშეკრულების მოქმედების პერიოდში „შემსყიდველს“ წარუდგინოს საქონლის მოწოდებასთან დაკავშირებით ნებისმიერი სახის ინფორმაცია და დოკუმენტები;
 - 5.3.3 საკუთარი ხარჯებით უზრუნველყოს „შემსყიდველის“ მიერ გამოვლენილი ყველა ნაკლისა და დეფექტის აღმოფხვრა, რომელიც აღმოაჩნდება მოწოდებულ საქონელს;
 - 5.3.4 დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;
 - 5.3.5 ხელშეკრულების შესრულების პერიოდში ქვეკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად. შემსყიდველი უფლებამოსილია არგუმენტირებული უარი განაცხადოს მიმწოდებლის მიერ შესაბამისი ქვეკონტრაქტის დადებაზე.
 - 5.3.6 შემსყიდველს უმოკლეს ვადაში აცნობოს ორგანიზაციის მოსალოდნელი რეორგანიზაციის ან ლიკვიდაციის შესახებ.
- 5.4 **„მიმწოდებელი“ უფლებამოსილია**
 - 5.4.1 „შემსყიდველისგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება;

6 მოსაწოდებელი საქონლის ხარისხი და საგარანტიო პირობები

- 6.1 ხელშეკრულების ფარგლებში მოწოდებული საქონელი უნდა შეესაბამებოდეს სტანდარტებსა და ტექნიკურ ნორმებს, ასევე ხელშეკრულებით განსაზღვრულ პირობებს.
- 6.2 მომწოდებელმა საქონლის მოწოდებისას უნდა წარმოადგინოს მზა ბეტონის ხარისხის დამადასტურებელი შესაბამისობის სერტიფიკატი, თითოეული განხორციელებული ტრანსპორტირებისათვის ცალ-ცალკე.
- 6.3 მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯის გარეშე.

7 მხარეთა პასუხისმგებლობა ხელშეკრულების პირობების შეუსრულებლობისათვის

- 7.1 ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, მოქმედი კანონმდებლობითა და წინამდებარე ხელშეკრულებით განსაზღვრული წესის შესაბამისად.
- 7.2 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისათვის დამრღვევ მხარეს ეკისრება პირგასამტეხლო, შეუსრულებელი ვალდებულების ღირებულების 0,02%-ის ოდენობით, რომლის გადახდა უნდა მოხდეს წერილობითი მოთხოვნის მიღებიდან 30 (ოცდაათი) კალენდარული დღის განმავლობაში.
- 7.3 **ხელშეკრულების სხვა პირობების დარღვევის შემთხვევაში**, „მიმწოდებელს“ დაეკისრება ჯარიმა ერთჯერადად, 500 (ხუთასი) ლარის ოდენობით.
- 7.4 ხელშეკრულების ცალმხრივად შეწყვეტის შემთხვევაში, დამრღვევ მხარეს დაეკისრება ჯარიმა სახელშეკრულებო ღირებულების 10%-ის ოდენობით.
- 7.5 „შემსყიდველი“ უფლებას იტოვებს მოახდინოს პირგასამტეხლოს გამოქვითვა „მიმწოდებლისათვის“ ასანაზღაურებელი თანხიდან მისი (მიმწოდებლის) თანხმობის შემთხვევაში ან სახელშეკრულებო

ღირებულებიდან დაუკავოს თანხა, გადასახდელი პირგასამტეხლოს ორმაგ ოდენობამდე, დაკისრებული ჯარიმის სრულ დაფარვამდე.

- 7.6 პირგასამტეხლოს გადახდა არ ათავისუფლებს „მიმწოდებელს“ ხელშეკრულებით ნაკისრი ვალდებულებების შესრულებისაგან.
- 7.7 პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

8 ხელშეკრულების მოქმედების შეწყვეტა

- 8.1 ერთი მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 8.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 5 (ხუთი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 8.3 ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს დანარჩენი ვალდებულებების შესრულებისაგან.
- 8.4 შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:
- 8.4.1 მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
- 8.4.2 მიმწოდებლის მიმართ მიმდინარეობს გაკოტრების საქმე. (მიუხედავად მისი დანყების დროისა);
- 8.4.3 მიმწოდებლის ქონებას დაედო ყადაღა;
- 8.4.4 მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- 8.4.5 ამოიწურა ხელშეკრულების გარანტიით განსაზღვრული თანხა, ან ამოიწურა გარანტიის მოქმედების ვადა და მიმწოდებელმა არ წარმოადგინა ახალი გარანტია (არსებობის შემთხვევაში);
- 8.4.6 საქონლის მოწოდების ვადები დაირღვა 10 დღეზე მეტი ვადით.
- 8.5 ხელშეკრულება შესაძლებელია შეწყდეს ასევე მხარეთა შეთანხმებით.

9 ფორს-მაჟორი

- 9.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულების შეუსრულებლობა გამოწვეულია დაუძლეველი ძალით (სტიქიური უბედურება, წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომი, საომარი მოქმედებები და საზოგადოებრივი არეულობა, თუ ისინი უშუალო ზემოქმედებას ახდენენ ხელშეკრულებით გათვალისწინებული სამუშაოების შესრულებისათვის გამოყოფილ ტერიტორიაზე, საქონლის მიწოდება ემბარგოს დაწესება, საბუჯეტო ასიგნებების მკვეთრი შემცირება, ცვლილებები კანონმდებლობაში და სხვა) ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობისა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).
- 9.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის უფლების მოთხოვნის გარეშე.
- 9.3 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

10 დავების გადაწყვეტის წესი

- 10.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 10.2 შეთანხმების მიუღწევლობის შემთხვევაში მხარეები მიმართვენ საქართველოს სასამართლოს, საქართველოს კანონმდებლობის შესაბამისად.

11 ხელშეკრულების ინსპექტირების პირობები

- 11.1 „შემსყიდველს“ უფლება აქვს განახორციელოს ხელშეკრულების შესრულების კონტროლი და შეამოწმოს მოწოდებული საქონელის ხარისხი, ასევე მოწოდების ვადების კონტროლი.
- 11.2 შემსყიდველის მხრიდან ინსპექტირებაზე უფლებამოსილი პირია -----.
- 11.3 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

12 ხელშეკრულების პირობების გადასინჯვის შესაძლებლობა

- 12.1 წინამდებარე ხელშეკრულების პირობების, მათ შორის ფასის შეცვლა დაუშვებელია თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13 ხელშეკრულებაში ცვლილებების შეტანა

- 13.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.
- 13.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.
- 13.3 ხელშეკრულების პირობების ნებისმიერი ცვლილება უნდა გაფორმდეს წერილობით ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14 დასკვნითი დებულებანი

- 14.1 მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
- 14.2 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის წერილობითი შეთანხმებით, ხელშეკრულების დანართის გაფორმების შედეგად.
- 14.3 ხელშეკრულება ძალაში შედის მისი ხელმოწერის მომენტიდან და მოქმედებს 2019 წლის 31 დეკემბრის ჩათვლით.
- 14.4 წინამდებარე ხელშეკრულება შედგენილია 3 (სამი) თანაბარუფლებიანი ძალის მქონე ეგზემპლარად 2 (ორი) ეგზემპლარი ინახება „შემსყიდველთა“, ხოლო 1 (ერთი) ეგზემპლარი გადაეცემა „მიმწოდებელს“.

15 მხარეთა მისამართები, საბანკო რეკვიზიტები და ხელმოწერები

„შემსყიდველი“

„მიმწოდებელი“

ოზურგეთის მუნიციპალიტეტი

იურიდიული მისამართი: ქ. ოზურგეთი, კოსტავას ქ.

N1

საინდენტიფიკაციო კოდი: 237114635

სახელმწიფო ხაზინა

ბანკის კოდი: TRESGE22

ოზურგეთის მუნიციპალიტეტის მერი:

კ. შარაშენიძე